



UNIVERSITÄTS-
BIBLIOTHEK
PADERBORN

**Praxis Beneficiorvm D. Petri Rebvffi Montispessvlani
Ivrvim Doct. Ac Comitiss, Ivrisqve Pontificii Ordinarii
Professoris Paris. & ibidem in supremo Senatu Causarum
Patroni**

Rebuffi, Pierre

Coloniae, 1610

De signatura gratiæ.

[urn:nbn:de:hbz:466:1-63686](https://nbn-resolving.org/urn:nbn:de:hbz:466:1-63686)

diebus, quando sciunt aliquem morbo affectum, donec pars mittat verè, quo die ille mortuus fuerit: & considerata regula de verisimili notitia, quo die iure à Papa conferri potuit: & ab eo die pars assumit signaturam, & quia infinitæ fiebant super his fraudes: ideo data est potestas datario Papæ statuere & decernere quæ sibi pro tempore videntur expedire, & propterea tempore Pauli tertii per eius datariū statutum Romæ ad obuiandum his malitiis hominum, vt sequitur.

Supplicatio duplex pro vno beneficio non datur.
3 Hæc sunt, quæ R. Datarius sub sanctissimi D.N. beneplacito decreuit. Imprimis quòd deinceps nulla additio fiet registro: non concedetur supplicatio duplicata, dies supplicationis nulla ad registrum nõ mutabitur, notario facultas extendendi consensum post lapsum tempus non dabitur.

Post annũ in Francia parue date non extenduntur.
4 Coadiutoriarum & regressuum supplicationes semestri lapso lacerabuntur, qui datas partium obedientiæ datis Francia immittebat, nullæ illarum expediuntur: data in Francia post annum non extenduntur, qui verbũ clausulas extra loca in supplicationibus posuerit, punietur: qui data extra curiam mittet, punietur: qui supplicationes ex officio extensionis Datario inconsulto exportauerit, exulabit à curia, Die 16. Decembris anno domini 1544. de mandato R. patris do. Datarii, vt fraudes, quæ inter Ro. curiæ sollicitatores in eorũ sollicitationibus, & præcipuè in paruis datis sæpe duplicatis, & triplicatis registrationum & coadiutoriarum, ac aliarũ expeditionum, in quibus consensus partium requiritur, reprimantur, & in melius reformatur, notum sit vniuersis ipsius curiæ sollicitatoribus, & curialibus, qualiter deinceps nullæ parue datæ pro absentibus à dicta curia concedentur, aliàs quàm super mandatis, quæ infra quatuor menses extendi debeant & quæ nunc apud quoscunq; tam sollicitatores, quam curiales, tã super mandatis quàm aliàs inuenientur, infra dictos quatuor menses extendantur aliàs omni effectu carebunt: & si presentata fuerit aliqua data ad extendendum a-

Extra curiam non mittuntur parue date.

liàs quàm ordine prædicto seruato, nisi talis data fuerit inter personas in ipsa curia residentes, quæ infra mensem, & data in Italia etiam infra mensem extendi debeant, aliàs effectualiter lacerabuntur: similiter quàm ex filza ipsius do. Datarii extracta: & quæ penes partes aut sollicitatores inuenta fuerit nõ extendetur vterius, quæcunq; supplicationes coadiutoriarum, & regressuum, accessuum, &c. necnon tam fructuum, &c. quàm aliarum reservationum, administrationum, ac stalli, &c. quæ nunc inueniuntur apud ipsum dominum datarium retenta, infra quatuor, aliæ verò supplicationes earundem coadiutoriarum, regressuum, &c. deinceps retinenda, infra duos menses expediri debeant, aliter lacerabuntur.]

5 Alia de hac parua data relinquam pragmaticis curiæ Rom. & concessio Papæ à data huius parue datæ conscribetur, & ita fieri solet, & in reg. Alex. Sixti continetur datarium secretum esse debere, vt collegiũ secreta non reuelet, nec collegam, aut alium, qui concessioni cõtradixerit: alioqui periurii, & suspensionis pœna per mensem à signatura incurrit.

Datarius secretus sit, alias punietur.

De signatura gratiæ.

Nunc dicendum est de supplicatione, seu signatura gratiæ: & primò quid sit, quæ in ea requiruntur, & quomodo signetur, & an prober, & de clausulis in ea contentis: & alia quæ supplicationem tangent, per singula verba, seu clausulas elucidabimus.

2 Primò dicemus quid sit signatura, vt à definitione proficiatur institutio nostra, iubente Cicerone. lib. officio. facit. l. ff. de iusti. Et iure saltem per modum descriptionis.

3 Signatura est scriptura in papyro conscripta, à Papa, vel eius delegato, absq; sigillo, in medio scripta, partis supplicationem, Papæq; concessionem breuiter continens.

Signatura quid sit.

4 Primò dico, quòd supplicatio seu signatura est scriptura: nam omnis supplicatio scripta est, nec posset probari, nisi in signatura per scripturam, cum ante scripturam non

Scriptura requiritur in signatura.

dicatur signatura, quia non est signata, nec signari id, quod non est, potest. *arg. l. decem. ff. de verb. oblig. Doct. in rub. de conscripsi in §. i. in ver. literas, de mand. Apost. in Concord.*

5 Et sic est vnus casus in quo scriptura requiritur vltra conscriptos, per gloss. in cap. i. de censib. libr. 6. licet alias actus tantum valeat sine scriptura, quantum cum scriptura. *l. pactum quod bona fide. C. de pactis.* fiunt enim de his scripturæ, vt quod actum est per eas facilius probari possit: & sine his valet, quod actum est. *l. contrahitur. ff. de pign.*

6 Ratio est, quare in gratia requiritur scriptura, quia est valde difficile testibus deponere de omnibus, quæ in gratia continentur: vt docet Card. in proem. clem. §. sanè. qu. 5. prout refert Fel. in rub. de constit. coll. 4.

7 Vbi limitat in tribus casibus: primus est in probanda qualitate gratiæ, per tex. in cap. Auditis, de restit. in integ. gl. sing. in c. duobus. de rescr. in 6. & in ca. si a sede de prob. ibidem vbi gratiæ prioritas per testes probari potest.

8 Secundus casus est in foro conscientiæ: potest enim quis vti gratia, etiam sine literis. Abbas in clem. dudum. in fi. de sepul. post gl. ibi incip. verb. scripti interpretatio. c. postulatibus de cleric. exc. minist.

9 Tertius casus est, quando agitur de probando tenore gratiæ, cuius literæ sunt prædictæ. *c. cum olim, de priuileg. text. in l. si cur. vbi Bart. C. de fide instr. l. testium. in fi. ibid.* alios casus scripsi in conc. in gloss. literas, de mand. Apost. & sic oportet prius factam esse scripturam, antequam dicatur signatura, quæ si postea amissa fuerit, probari per testes poterit, vel per sumptum extractum ex libro signaturarum Romæ, quod probat: vt inferius dicam.

10 Secundò dico in papyro conscripta, ad differentiam bullæ: quia regulariter supplicationes & signaturæ solent in papyro describi, non in membrana, sicut bulla: & iste est curiæ Romanæ stylus, qui seruandus est. *cap. ex literis. de const. sacri. ca.*

Signatura
in papyro
conscribi
solet, bulla
in membrana
non.

cum dilecta. §. nos igitur. de conscri. viil. ibi, cum fuerint non in pergamento, sed in papyro conscripta.

11 Tertiò dicitur à Papa, vel eius delegato subscripta: quia signatura non dicitur, nisi signata sit, & subscripta, & eo dicta est quod signetur, id est, subscribatur: vt inferius dicitur in eius prosecutione.

12 Et quamuis de iure ciuili signare sit signum imprimere, sigillare, vt dixi. in l. subscribitur. ff. de verb. sign. de iure tamen Canonico, in quo versamur, potissimè capit pro subscribere, ideo signatura dicitur à digniori, id est à signo Papæ, & si à partis petitione vocetur, dicitur supplicatio: quia pars in ea supplicat: ideo rectè vocatur supplicatio & Latinè, pragmatici tamen curiæ Rom. signaturam vocant à nobiliori.

13 Nec dicitur simpliciter subscripta, sed in medio, & statim à partis petitione signari solet: sed Papa postea declarat quæ concedere intendat: vt inferius dicitur, & apparebit in forma signaturæ.

14 Quartò dicitur absque sigillo, ad differentiam breuis quod in papyro frequenter datur, sed sigillum (quo decoratur) anulum piscatoris vocant. vt inferius dicitur in materia breuis eò quod piscator videlicet diuus Petrus primò vsus fuerit illo sigillo.

15 Quintò in diffinitione dicitur partis supplicationem continens: nam solet pars dicere beatissime Pater supplicet, &c. cum ecclesia, &c. & solet pars primò supplicationem suam inferere, & postea Papa solet addere, fiat, vt petitur, vel concessum, vt petitur: & postea solent describi summam omnes clausulæ in bulla ponendæ, vt inferius apparebit in forma signaturæ.

16 Sextò Papæq; concessionem continens, ergo necessariò signatura debet continere partis supplicationem, Papæq; signum, & concessionem, vel sui delegati, aut vice cancellarii: sed cum ipsi nomine Papæ expediant, dicitur Papæ concessio per reg. qui per alium facit, per seipsum facere

Supplicatio quare dicitur signatura.

In medio subscribitur solet signaturæ.

Supplicatio non est sigillata.

Continere quæ debet at signaturæ.

facere videtur. *de reg. iur. in 6. concessio-
nisq; expressionem, quam dispositionem
vocant, ac datam ultra continere dicitur.
Aegi. Bellanera. decis. 559. conclusio.*

*Signatura
cur vocetur.* 17 Quare vocetur signatura? Resp. quia
à Papa, vel eius commisso signari solet: &
dicitur signatura, quasi scriptura signata,
id est subscripta: *vt in l. subscriptum. ff.
de verb. sign. & ibi scripsi: si ergo recule-
tur, & non signetur, non dicitur signa-
tura: priuatio præsupponit habitum, si-
cut positio. cap. ad dissoluendum: de sponsa. in
puber.*

*Signatura
motu pro-
prio conce-
sa an sic
vocari pos-
sit.* 18 Item inferri potest, quòd si Papa con-
cedat motu proprio absque partis suppli-
catione, non poterit dici signatura: quòd
est verum, si nullam narrationem conti-
neret, aliàs secus. nam potest esse supplica-
tio, & tamen Papa motu proprio conce-
deret Bald. asserit *& in c. nisi. col. i. de offic. legat.
scripsi in gloss. motu proprio, in forma manda-
in concord. & inferius dicitur: sed oportet
supplicationem partis præcedere Papæ
concessionem, aliqui non esset concepta
secundum curiæ Rø. stylum, & sic non va-
leret.*

*Duplex si-
gnaturam
si in diuer-
sis impetra-
tionibus nõ
datur.* 19 Item cum Papa semel signet eam, non
debet concedi supplicatio duplicata: quia
in vtraque requireretur signum Papæ,
quòd non solet poni, nisi in vna: & hoc ser-
uari tempore Papæ Pauli 2. in curia Ro-
mana solebat: vt superius etiam dixi fuisse
prohibitum, hodie per Datarium: & non
vidi duplicatam signaturam, nisi contine-
ret diuersas impetrationes,

20 Item signatura falsa, non signata ab
eo, à quo debebat signari, sed ab alio, non
meretur dici signatura: quia denarius fal-
sus, denarius non est, *gloss. in l. omnes. C. de
heret. l. eleganter. §. qui reprobos. ff. de pign. a-
ctio. scripsi in l. Paulus. ff. de verb. sign.*

*Requisita
in signatu-
ra.* 21 Secundò quæro, quæ requirantur in
supplicatione? Resp. sequentia. Primò
partis supplicatio, quæ durat vsque ad
concessum, vel fiat: & pragmatici Romani
vocant illam partis petitionem, corpus si-
gnaturæ, *de quo inferius loquemur, quia sunt
termini dicanicorum curiæ Romanæ in*

hac materia, ideo illis vtar, ne materiam
confundam.

22 Secundò subscriptio Papæ, seu com-
missi, in medio facta, non in fine, vt regu-
lariter in aliis instrumentis solet fieri. *hac
consulissima. C. de testa. & superius dixi in
materia tonsuræ. Hic tamen Papa in fine
petitionis partis concedit, ob id ponitur
concessum, verum quia interdum non o-
mnia conceduntur, ideo Papa apponit ea
quæ concedere vult.*

*Corpus si-
gnaturæ
& dispositio
que
dicatur.*

23 Tertiò ponitur concessionis Papæ
declaratio ibi, & cum absolutione à cenlu-
ris, &c. nam quòd Papa simpliciter conce-
dit, dicendo fiat, vt petitur, vel concessum
vt petitur, postea exprimit, quæ concedere
velit: & hanc partem vocant præctici dis-
positionem seu clausulas, vbi Papa con-
scribit illas clausulas, quas concedere cu-
pit.

24 Ponitur data supplicationis, & con-
cessionis. ibi datum, &c. vt signaturæ for-
ma possit melius dignosci, hanc nunc ocu-
lis subiicio, vt Imperator in §. fin. de gradib.
*cogna in insti. arboris graduum confanguini-
tatis arborem, seu formam.*

*Forma signaturæ simplicis prouisi-
onis cum clausularum elu-
cidatione.*

BEatis. S. pater supplic. humil. S. *Corpus si-
gnaturæ
seu partis
supplicati-
onis.*
V de uorus illius orator Ioan-
nes Baliui, clericus Magonen. seu
Montispeff. dioc. V. I. D. Cum ita-
que parochial. ecclesia sanctorum
Iuliani & Baralicæ loci de Balia-
nicis eiusdem diocesis. Montis-
pefful. per obitum quondã Ludo-
uici Baliui extra Ro. cur. defuncti
vacauerit, & vacet ad presens, qua-
tenus sibi specialẽ gratiam facien-
paroch, ecclesiam huiusmodi,